

中國方志叢書·華北地方·第四一八號

據


嚴用琛、魯宗藩總修，王維新纂修  
民國十七年鉛印本

影印

山西省

# 襄垣縣志

(一)



成文出版社有限公司印行

90/3975  
sk66/06



\*10094234\*

中國方志叢書·華北地方·第四一八號


據

嚴用琛、魯宗藩總修，王維新纂修  
民國十七年鉛印本

影印

山西省

襄垣縣志



成文出版社有限公司印行

90/8975



中華民國六十五年 月壹一版

# 襄垣縣志

全二冊

發行人：黃 成 助

出版者：成文出版社有限公司  
台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

## 重修襄垣縣志序

余蒞襄垣之次年奉大府頒到山西各縣志書凡例爲圖爲略爲傳爲表爲考計五種圖之屬有四略之屬有十傳之屬有六表之屬有三考之屬有七各門皆列子目爲大學校教務長郭君象升所訂自得此例而後修志有所據依矣余檢舊志目錄與新定凡例校閱名目不同而事實則一其閒去取詳略有差耳郭君之爲此例於方志學大有研究自史漢書志以及三通之籍確能心知其意而後頒爲成式俾修志之人不迷於所向郭君可謂通雅者已考舊志襄邑爲趙襄子所作故名襄垣其地爲銅鞮舊壤晉君於此作鹿祁之宮山川之美概可知矣而其人如羊舌赤豫讓留侯諸君子又皆震古鑠今爲他邑之所無生斯土者宜知所效法卽巍然人上而爲官者幸何如之雖襄邑科第前清不及有明之盛而自變革以來讀書者漸啟新知其思想發達有一日千里之勢故赴并赴潞以及東西洋遊歷求學者於上黨稱首出焉民國旣建參議院有人衆議院有人省議院更有人似選舉時代人材較勝於科舉亦運會然使耳迺者督軍閻公於南北紛爭時獨講求吏治關心民瘼要政以次舉行而猶注意方志之書凡例引云志書主於博稽陳迹以前民用是舉一事必求一事之有益爲治非博愛民之譽而修志不矜雅故之奇即志書與治術相爲表裏也用乘臨蒞茲土媿無成績可述然觀舊志刷印之劣新例命名之當幾有悻悻欲動者徒以秉筆之人材旣呈身於公務而按畝籌欸又恐貽累小民滋爲口實是以因循不果茲將


舊志門類可合於新例者分編纂組其新例有而舊志無者暫付闕如以俟作者編輯既成復準新例每類作緣起數語蓋以說明新舊分合詳略增省之故也新志既待採輯爰就編定之本寫成一部都九卷與郭君之新凡例并存俾襄人之重修志者依例接續開卷了然此用琛治襄二年以來之志也舊志載盧文弨序未必親至襄垣躬與編輯之事然盧先生校讎精審當能有益於斯志者又有宋公如辰序公爲吾鄉先達供職詞林雖文字未入韓歐之室固用琛所樂步其後塵者也用琛生異代之後勉爲志叙得綴名二公之末與有榮焉

民國八年十一月襄垣縣知事黃崗巖用琛叙

## 重修襄垣縣志序

志非史也特以供史館之搜集備史家之採擇而已蓋史之義主於褒貶以爲教也志則詳於因革以爲治也故曰志非史也襄垣縣志前散軼無徵自明嘉靖年間任邱趙修菴公創修之繼之者張令古河王令立宣迄河內蕭公湛泉始克藏事乾隆四十有七年李鶴亭明府重修之光緒六年程令功銓復葺之至民國七年 兼省長閻公頒布改編縣志新例嚴令南翹已就舊志如其新例分門摘錄甫著手搜輯無何卸篆乃將原本交李令果成值歲旱籌備救荒未及舉辦適余於壬戌仲夏承乏斯邑察覽縣志得其原本摘錄周詳惟四十年間之疆域之風俗之政教及其戶口增減賦稅重輕與夫天時地利人事之變遷諸待考詢採輯皆以俟之來者余材雖不濟良以縣志爲吏治之本前事乃後事之師也襄邑雖無名山大川考其陳跡爲銅鞮之故里趙襄子之遺址也觀茲土俗醇良士民勤儉猶不失陶唐之遺風其足以激勵於將來者正復不少爲司牧者詎聽湮沒耶於是聘邑中耆賢博爲採訪網羅軼事摭拾新聞擷其菁英芟其蕪濫不數月編纂告成邑人士捐省銀行及抵產局之贏利欣助之事竣付刊請序於余爰勉作數語藉示來葉而亦以自策焉

民國十二年癸亥孟夏簡任職署襄垣縣知事楚北荆門魯宗藩識




## 重修襄垣縣志序

丹階魯公蒞襄之次年治具畢張政平訟理以其暇監修邑志既屬稿介襄紳屬爲參閱余忘其譾陋有所商榷謬蒙采擇並徵序言竊維縣志之修在他時尙可緩圖在今日實爲急務何者改革以來一切政治如學校警察賦稅諸大事靡不舍其舊而新是圖當此新陳遞嬗之交非及時紀述不惟新者無以資率由而舊者亦將漸歸於湮沒後有作者幾何不致歎於文獻之無徵哉又况近歲以來我晉

兼省長閻公注意民治勵行村政一切設施次第演進而整理村範尤爲晉省政治之特色不詳爲紀載將何以信今而傳後耶前任嚴公有見於此故奉檄以來即參攷舊志依例編輯今魯公亦見及此故遴選紳耆採訪續纂哀然成帙燦然大備古人所謂爲之先爲之後聚精會神相得益彰者其此之謂歟余往歲主講漳川書院樂與都人士以文學相切磋與襄人交誼甚洽故於襄事亦遂若欣戚之相關幸是志之成而喜襄之能急於先務也因爲之序

民國十三年二月上澣武鄉李華炳樸齋氏謹題



# 重修襄垣縣志序

古者志與史無區別考周禮有太史內史掌六典八枋而小史外史掌邦國志四方志不過藉其名以明權限之大小責任之輕重後人於國家之政治法律兵事財政輯之成書即名曰史於國家之山河物產人情風俗輯之成書即名曰志蓋權輿於周禮而史與志之體裁始分其途然立法當時垂教後世彰瘡懲勸之精神仍未異於古也夫縣志者不僅如載山河物產人情風俗之書而政治法律兵事財政舉包括無遺雖謂之志亦史之意也且今之縣治地方百里可以方於古之諸侯蓋晉之乘楚之檮杌魯之春秋皆諸侯史也縣之紀載詎可一日缺而志之脩不可一日緩也襄垣縣志古有成書代遠年湮散佚兵火之餘殘缺無存早爲有識者所浩歎今之舊志創於任邱趙修菴公官經六任時閱十世而始成書其艱難困苦概可知已而宋元以上仍多缺略年久失修深堪危懼自清光緒六年程公功銓續修後迄今又四十餘載中經改革百度變更新陳代替之關尤宜詳載故實以昭來茲歲己未縣長嚴公南翹奉大府所頒各縣志書凡例力圖重脩因艱於款僅依新例將舊志摘錄九冊而待查之事迹新添之門類暫付闕如旋去任荆門魯公丹階於壬戌之夏來宰斯邑初蒞任即圖此舉集闔邑士紳籌議進行余因奔走國事初未與聞是年秋丁艱返籍守禮魯公屬余勸襄其事屢辭不獲勉從諸紳之後嚴公之摘錄諸本事實有與新例不合者歸正之緣起有與事實欠洽者更易之非敢故爲立異公同討論務求妥協期


欲見信於後世也其所關諸門待補諸事旁搜博採分類接續書成共訂八本事實既與前稿有出入而本數亦不必拘於舊也此次纂脩連君篤敬孫君安樂趙君懷璧郝君映衡郭君永慶趙君允元多任其勞余本不文又兼身弱時僅五月臥病六旬益以俗務纏繞住局之日無多忝列纂脩深滋愧赧惟隨在事諸君謹慎將事俾盡乃心共體魯公求治之心以竟嚴公不朽之業繕成信史激勵來者差堪告無罪於襄人也已

中華民國十二年五月希文王維新序

## 重修襄垣縣志序

壬戌夏荆門魯公來宰是邦下車之始集士紳於庭出前任南翹公手輯襄志九卷以示衆曰此嚴公未竟之志也願續成之以竟其功印刷費余將籌之蓋嚴志卽余志當亦諸君子樂成之志耶適李君汾圃由京來函亦贊成斯舉余等遂決然曰縣志失修已四十年於茲矣此四十餘年之事蹟爲因爲創若繁若簡賦役也兵防也禮俗也生業也又學校官師選舉各要政自民國革新迥異前制不及時而紀載之則此邦之掌故缺如必遺憾於後之執筆者矧嚴公已開其先魯公又欲成於後後先繼美以心印心余等據實直書分訂成冊此其機矣義務所在何敢却辭卽於是年十二月開辦依例編製調查者參閱者繪畫者繕寫者分門別類謹慎從事自開辦至脫稿日五閱月而成雖魚魯豕亥在所難免然舊志之宜存在與新志之應採入者俱依郭君所定凡例圖略傳表考五種三十目觸類列之惟每類志緣起一段多嚴公手定餘則光宣以後及民國十二年止凡學校之設施選舉之改定區村制之計劃與名宦文儒孝義士女之可傳可記者有聞必錄無據不詳遺者補之缺者增之合舊志新志爲一部寫成八卷不尙流連風景之辭存實錄也稿成日以就正於魯公公曰言約事賅斯志一成庶有以答嚴公矣抑亦余宰襄之初志也因囑希文君撰稿入都與同志詳加參閱卽付剞劂以備採覽大雅君子其幸教焉

民國十二年五月德輿連篤敬謹序



## 襄垣縣重修縣志序

中華民國十三年九月余承乏斯邦蒞任伊始所最注意而考察者山川形勢也風土人情也沿革掌故也政治教育交通及實業農桑也任事之次月冀寧道道尹孫公葑癡函交縣志稿本一部屬轉知修志局同仁再爲校正公暇翻閱一過見其籤注頗詳時修志局業經停辦諸同仁均家居而農忙焉明年二月詢政會討論修理城垣事議決之適修志局同仁亦與會遂轉知並交稿本請復校諸同仁僉云城垣將修葺工程重要必須記述且修志以來機關屢有變遷城郭圖亦當更正請少緩十四年三月奉令組織城防保衛團城工局亦於五月間設立籌款招包開工矣秋冬之交遼役緊張城內西營虎亭各處差務繁夥徵糧草備車驟輸送甚忙十五年一月奉築汽路及設民軍營之命委員先後到縣開會籌款日無暇晷二月陸軍四十一團奉令駐防城垣上四周作掩蔽部挖交通壕月餘出武安而路工處民軍營遂次第開辦十六年城工汽路及汽路六尺以下之涵洞工程告竣又因差務之需要決議設軍電局以通消息聯合校長事務所及保藏公物所亦皆相繼成立十七年二月全縣支差改用公車由各村分等籌備虎亭辦差員請修舊驛站馬號爲辦差處復通過全縣紳士會議決由差款項下支發修理費委公欸局局員同第二區行政長出標招包派員監修今工已完竣矣然則千百年未遇之城工路工及交通最便之軍電局或按閭出工或因地籌款於地方人民關係重大均有記載之必要三月議復修志局分

路調查編纂校對至十月事畢同仁諸君持稿本囑閱並序余不文以爲八年迄今春秋已十度矣修志一舉創於嚴而繼於魯嚴魯兩縣長暨參閱纂修諸公分序均爲詳盡似不必再贅叙言惟近數年來國家多事戎馬倉皇陘阱出師克摧強敵山河統一政治刷新滄海桑田頻行改革此校正所以遲緩付梓所以闕如迴憶諸同仁當日延緩之深意實與此志有永垂不朽之同功故不可不特爲述及也已爲序

中華民國十七年十月三等嘉禾章簡任職襄垣縣縣長趙城許諧誌



|       |      |       |       |       |       |       |       |     |     |     |     |     |     |
|-------|------|-------|-------|-------|-------|-------|-------|-----|-----|-----|-----|-----|-----|
| 實     | 視    | 視     | 承     | 承     | 主     | 承     | 承     | 公   | 公   | 省   | 前   | 前   | 省   |
|       |      |       |       |       |       |       |       |     |     |     | 縣   | 縣   | 議   |
|       |      |       |       |       |       |       |       |     |     |     | 議   | 議   | 會   |
| 業     |      |       |       |       |       |       |       |     |     |     | 會   | 會   | 會   |
|       | 學    | 學     | 審     | 政     | 計     | 審     | 政     | 局   | 局   | 會   |     | 副   | 議   |
|       |      |       |       |       |       |       |       |     |     |     | 會   | 議   | 員   |
| 技     |      |       |       |       |       |       |       |     |     |     |     |     |     |
|       |      |       |       |       |       |       |       | 經   | 經   | 議   |     |     |     |
|       |      |       |       |       |       |       |       |     |     |     | 議   |     |     |
| 士     | 員    | 員     | 員     | 員     | 員     | 員     | 員     | 理   | 理   | 員   | 員   | 長   | 員   |
|       |      |       |       |       |       |       |       |     |     |     |     |     |     |
| 張得志襄陵 | 李程夏縣 | 劉雲桂隰縣 | 劉建邦五台 | 郭蓋頤汾陽 | 岑鍾麟浙江 | 翟繼唐永濟 | 趙鴻春直隸 | 郭永慶 | 趙允元 | 趙懷璧 | 郝映衡 | 孫安樂 | 連篤敬 |